

## Enno'sa' Kareta Ipuru Amu' Ena' Ekamanin

*Enno'sa' Kareta Ipuru Amu' Ena'* e'menuka'pu tamu'kuru' tawon kon Kuri'san amu' ena', tewa'nomanin kon epamu wenai Kuri'san pe te'to' kon uya apurito' innonkapai te'san. Imenukanin uya to' pori'mapitu to' uya apurito' yau Sises Kurai esi i'nai ri Papa usenpoikasa' pe tukai' enpoika tauya wini kuru. Seri kupu tauya pi' osoruwawon ton i'nairon ton pi' iyetu'kapitu: wapiya, Sises esi inkeru' ri Papa Mumu pe, isenupasa' ru'pu i'nai ri main awiri e'nito' pi', Ikuipunu pi' tekota'mato' tanmoronka'pu poro. Papa Mumu pe tesi ke, Sises esi eke pe pu'kena' amu' Penaro' Ekonekan nito' awon kon, inseru amu' miri awonsi'ki Mosi' ri entai. Itisakon pe, Papa uya Sises ekamasa' inkeru' ri use'man nito' tarawasomanin pe eke pe Penaro' Ekonekan nito' awon kon use'man nito' tarawasoma entai, miri awonsi'ki itosoruwano pe, Sises poro apurinin epika'ti makoi, enari'ke' pe te'to' miri awonsi'ki uma'tan nito' piyapai; Sises si use'man nito' epuru pe esii'ma uya si i'nai ri epika'tin nito' taru, ento' ipi' pe iye'sa' ru'pu iku'to' pe inonkasa' miri awonsi'ki o' ke use'man nito' Ipuru amu' ipuremato' ekareei wini.

Ipan pe tanmenuka'pu ennin nan panama iya apurito' tauya'nokon yau to' uko'manto' pe miyari iu'matu pu'ku pona, Sises pi' tenu kon tutuse, miri awonsi'ki imoronkanin pe i'ri ri ekota'man nito'

esi a'tai miri awonsi'ki isi yau tuku'to' kon eporo tuya'nokon a'tai. Kareta uta'koro panaman nito' miri awonsi'ki isi te'ku'ton pi' to' pana'ti pe.

### **Iyawon Ekamanin**

Ekamanin: Kurai iyenuka'sa' pe kuru ri Papa usenpoikato' iwini (1:1-3)

Eke pe Kurai e'to' inseru amu' entai (1:4—2:18)

Eke pe Kurai e'to' Mosi' miri awonsi'ki Isa'suwa entai (3:1—4:13)

Eke pe Kurai e'to' use'man nito' tarawasomato' iya yau (4:14—7:28)

Eke pe Kurai e'to' emenna' tekonekasa' yau (8:1—9:22)

Eke pe Kurai e'to' use'man nito' pe te'to' yau (9:23—10:39)

Eke pe kuru apurito' esi (11:1—12:29)

Papa porimato' (13:1-19)

Uta'koron pe ipureman nito' (13:20-21)

Iu'matu main (13:22-25)

### *Imu Eke Inseru Amu' Entaino*

<sup>1</sup> Pena Papa uya utamokori kon amu' auro'kapi'pitu'pu pu'kena' amu' poro taron ni a'tai'ne, tu'kan wini ri, <sup>2</sup> e'tane si seri ton iu'matu weyu ton a'tai'ne uyauro'kasa' iya 'nokon Tumu wini, tananamu'pu tanporon ni anannin pe iye'to' pe, iporo tanporon ni mi yawiron kaa'pu iya na'ne'. <sup>3</sup> Imu esi te'wei'tisen Papa a'kwarii ke, miripan esi kuri ri e'to' e' pe kuru ri, merunti imaimu erupa' ri tanporon ni uko'mamu miyari. Makoi ekorukato' taru taro, iyereuta'pu Eke emiyatu enwo'netu wini Epan po. <sup>4</sup> Miripan si ena'pu eke pe inseru amu' entai, tese' tananamu'pu esi eke pe to' ese' entai kasa.

5 Apune p̄ara, nai k̄ari warai inseru pi' ken Papa,  
 “Umu imiri tikin nan kuru ri; seri pe ik̄aip̄an̄u pe  
 enasa',”\*  
 tawon? Miri pe p̄ara kanan,  
 “Ik̄aip̄an̄u pe e'to' oton,  
 miri awonsi'ki umu pe iye'to' oton,”†  
 tawon? 6 Miri awonsi'ki kanan, tim̄arewato' en-  
 noko Papa uya a'tai non pona,  
 “Tiwi tanporo Papa inseru ton napurip̄it̄ai,”‡  
 ta'p̄u iya. 7 Inseru am̄u' pi' t̄usaurok̄u a'tai,  
 “Uinserteru ton kup̄u uya a'setun pe,  
 upoitoru ton apo' e'werouwerouma pe,”§  
 ta iya. 8 E'tane si Imu pi',  
 “Papa, ayapon e'to' oton inke ri, inke ri,  
 miri awonsi'ki ipokena' pe e'nito' itesa' pe  
 iwesi ȳuui pe.  
 9 Ipoken e'nito' i'n̄ankasa' auya, ipoken p̄ara e'nito'  
 ewaruma'tisa' auya;  
 miri pe iyesi pi', Papa, itese' pi' iwe'to' uya  
 iku'sa' itonpa ton epoi,  
 imiri t̄akarapaimai' pori' pe iwesi ekamanin  
 pe,”\*  
 ta iya. 10 Tasa' iya ri mari,  
 “Itepuru, iyepiya'ti yau non apon nonka'p̄u auya,  
 miri awonsi'ki ka' esi iyemiyatu ton  
 tarawasoi ru'p̄u ton pe.  
 11 T̄uma'ta ton ni, imiri moro ri;  
 tanporo pon a'mota kasa ta'mota ton.

\* 1:5 Eren 2:7 † 1:5 2 Sanweru 7:14; 1 K̄arono'k̄arus 17:13  
 ‡ 1:6 Isu'taronomi 32:43 (LXX) § 1:7 Eren 104:4 (LXX) \* 1:9  
 Eren 45:6-7

12 Pon p̄uro'pon e'mep̄it̄u kasa e'mep̄i'to' auya  
 oton;  
 pon usensima kasa isensimato' oton.  
 E'tane im̄iri moro miri kasa ri,  
 iuk̄ii'pam̄u pen ni,"†  
 ta iya. 13 Nai k̄uri warai inser̄u pi' ken,  
 "Ereutaki, uyemiyat̄u enwo'net̄u wini  
 iyeyaton non t̄ur̄u uya p̄u'k̄u pona  
 a'ta apon pe,"‡  
 tawon Papa? 14 Inser̄u am̄u' pen pe' kamoro  
 a'kwar̄u ton e't̄urawasomai' enno'sa' kon kamo  
 epika'tin nito' eponin nan apiyo' pe?

## 2

### *Panamana Pana T̄ut̄use E'nito' Pe*

1 Miri pe iyesi pi', etasa' ru'p̄u pi' upana kon t̄ut̄use  
 e'nipai'nokon, utano'man pe iyesi namai'. 2 Ap̄ane  
 p̄ura inser̄u am̄u' usauro'sa' ru'p̄u e'sa' pe iyesi yau  
 iyawiri e'nito' kuru, miri awonsi'ki tanporo miri  
 ton i'kw̄i'sa' pe miri awonsi'ki iyawiri p̄ura e'nisa'  
 uya ipoken ni t̄ukota'mato' eposa' yau, 3 nai kasa  
 ekota'man nito' apai ain̄un ni eke ri epika'tin nito'  
 an̄ansa' p̄ura iye'tane? Seri epika'tin nito', wapiya  
 kuru Itepuru nekama'p̄u ru'p̄u, miripan akono-  
 masa' etanin n̄u'san uya upana kon ya'. 4 Papa  
 uya ri kanan ekamasa' miri pona ento' ipikiri ke,  
 enuminkanin ke, miri awonsi'ki ti'tui' p̄ura eke  
 t̄ut̄urawasooi ton ke, miri awonsi'ki Wak̄u A'kwar̄u  
 n̄ut̄upit̄un̄u ton t̄ut̄up̄i'se i'se te'to' awiri.

### *Sises Ekoneka'p̄u Takon Non Kasa*

† 1:12 Eren 102:25-27 (LXX) ‡ 1:13 Eren 110:1

5 Inseru amu' ena' oru tuuye'ton nonkasa' iya para iyese, itesa' pe to' e'to' pe, usauro'ni na'ne'nokon ipi'. 6 E'tane, moro ipata esi miri ka'pon uya ekamasa' na'ne' iyai ri:

“Nai pan ka'pon ipi' iusewankama pa,  
miri pe para ka'pon mu imainanpa pa?

7 Mara ru'kwɪ aiko pe ikoneka'pu auya inseru amu' o'no;  
aruko'ti'pu auya eke pe iku'to' ike ke miri awonsi'ki inamato' ike ke;

8 miri awonsi'ki tanporon ni nonka'pu auya i'ta o'koi'”\*

tawon. Tanporon ni nonka tuuya yau iyo'koi', Papa uya i'ri ri nonkasa' para iyese innonka'pu pen itena'. Miri ri e'tane, tanporon esa' pe ene para ri iyese. 9 E'tane Sises ene'nokon, mara ru'kwɪ aiko pe inseru amu' o'no ikonekasa' ru'pu, itaruko'tisa' si a'kwa ke miri awonsi'ki inamato' ke, apune para uma'tan nito' yau iyekota'masa' pi', Papa uya waku nonkasa' wini tanporon kon iwano' pe uma'tan nito' i'tuto' pe iya.

10 Waku pe ri Papa esi'pu tu'kan kon tumunki amu' nee'pu iya eke pe to' ku'to' ya', Sises ri kuri ri itiwano' miri awonsi'ki iporo tanporon ni uko'manto', uya to' epika'tito' esa' kuu'pu waku pe iyenato' pe iyekota'ma wini. 11 Asa'ri ri kuri waku pe ka'pon amu' konekanin miri awonsi'ki kamoro waku pe ikonekasa' kon esi tikin ni ri iyamutu pe. Miri wenai, Sises ipiyitu para iyese takon non pe to' esaku tuuya pi'.

12 “Iyese' ekama uya miri uyakon non pi’;

---

\* 2:8 Eren 8:4-6 (LXX)

iyamurasa' kon rau ayapuripitu pe userenka miri,"†  
 ta iya. <sup>13</sup> Miri awonsi'ki kanan,  
 "Apurito' uya pe iyese miri."‡  
 Miri awonsi'ki,  
 "Seri yau e'ai', Papa naturu'san mre amu' pokon pe,"§  
 takapu iya.

<sup>14</sup> Kamoro si mre amu' esi pi' ka'pon amu' pe, tupun ke miri awonsi'ki tumunu ke, to' kaisa ri iyekoneka'pu, tumata wini uma'tan nito' meruntiru esa' pe te'sen—Makoi—ma'tanu'to' pe tuuya, <sup>15</sup> kamoro ita'sisa' pe te'san uma'tan nito' pi' enari'ke' pe tesi kon wini mo'ka pe. <sup>16</sup> I'nai ri sa'ne si iyese inseru amu' pika'ti iya pen, e'tane Epura'an payan ton pika'ti iya. <sup>17</sup> Seri wenai takon non kasa iyekoneka'pu tanporon yau ri, isentu'kena' pe miri awonsi'ki Papa Maimu awiron pe use'man nito' tarawasomanin epuru pe te'to' pe, iyapiyo' pe tesi yau, ka'pon amu' konekanin pe ipokon pe to' makooi apai.\* <sup>18</sup> Apune pura kuri ri niri ekota'ma'pu Makoi uya i'tupitu a'tai, kamoro nin si Makoi ni'tupitunu ton pika'ti iya miri.

### 3

#### *Sises Eke, Mosi' Entaino*

<sup>1</sup> Miri pe iyese pi', waku ton utonpa ton, Papa nukima'san, isenuminkato' kon ikonekati' Sises

† 2:12 Eren 22:22 ‡ 2:13 Aisaya 8:17 § 2:13 Aisaya 8:18

\* 2:17 ka'pon amu' konekanin pe ipokon pe to' makooi apai; miri pe pura, Papa uya kota'man nito' i'ni'panu'nin, umakooi kon mo'kanin.

pi', itekare ekamai' enno'sa' miri awonsi'ki Papa ena' use'man nito' tarawasomanin epuru, ina nekamanu. <sup>2</sup> Tanannin pi' tusauroku'pu awiri iyese'pu, Mosi' esi'pu kasa tusauroku'pu awiri tanporon yau Papa iwu' tau. <sup>3</sup> Sises i'tusa' esi'pu eke pe tnamasen pe Mosi' entai, iuti aminin uya tnamato' eporo kasa eke pe iuti nama entai. <sup>4</sup> Apune para tanporo iuti ton amisa' miri ka'pon uya, e'tane Papa esi tanporon ni aminin pe. <sup>5</sup> Mosi' esi'pu tusauroku'pu awiri ipoitoru pe tesi pi' tanporon yau Papa iwu' tau, ekama pi' seri enta' usuro'nito' ipi' pe te'sen. <sup>6</sup> E'tane Kurai esi tusauroku'pu awiri imu pe, Papa iwu' esa' pe. Miri awonsi'ki uri'nokon esi itiwu' pe, uta'sin nisa' pe iyese yau enari'mara e'nito' pi' miri awonsi'ki e'ku'nito' utapurin na'ne' ipi' pi'.

*Panaman Apurinin Pe Para E'ni Namai'*

- <sup>7</sup> Miri si, Waku Akwaru nikayai'ne' kasa:  
 “Seri pe, imaimu eta auya'nokon pe iyese yau,  
<sup>8</sup> iyewan kon ku'sa'mantan'uu,  
 iiwari'nokon e'pai iwesi'pu kon kasa,  
 ii'tuto' kon a'tai rimonon' tau,  
<sup>9</sup> ikupunu kon amu' uya ui'tupitu'pu miri awonsi'ki  
 ui'tu i'se to' esi'pu na'ne' yau,  
 miripan kon uya unkuunu ene'pu 40 kaisa ri  
 wapiya yau.  
<sup>10</sup> Miri pe iyese pi', miri a'taino kon pi' usakorota'pu,  
 miri awonsi'ki, 'Tutano'masen ni to' ewan,  
 uyeseru i'tusa' to' uya para ri iyese,' ta'pu uya.  
<sup>11</sup> Miri si, usakorotasa' yau usauroku'pu kuru ri,

‘To' ewonto' oton pen ni umoronka'to' ya,'  
ta'p<sub>u</sub> uya,”\*  
tawon.

<sup>12</sup> Ti'tui' e'ti', utionpa ton, iri pe in<sub>u</sub>' ri kuse'nin, apurinin pe para itewan tera'tisen pe Papa t<sub>u</sub>ko'mansen piyapai. <sup>13</sup> E'tane w<sub>u</sub>i kaisa ri itonpa kon ipori'mati', “Seri pe,” tato' esi koro'tau, makoi uya enku'tin nito' uya asa'mantan<sub>u</sub>ku kon namai'. <sup>14</sup> K<sub>u</sub>rai pokon pe enan nisa' seri uta'sin nisa' merunti pe wapiya uyenu kon yau iye'sa' ru'p<sub>u</sub> p<sub>u</sub>'k<sub>u</sub> pona. <sup>15</sup> Seri pe kuru ta nesiine' kasa: “Seri pe imaimu eta auya'nokon pe iyesei yau, iyewan kon k<sub>u</sub>'sa'mantan<sub>u</sub>'t<sub>u</sub>

iiwano' kon pe e'pai iwesi'p<sub>u</sub> kon a'taino kasa,”†  
tawon.

<sup>16</sup> In<sub>u</sub>' yan uya eta'p<sub>u</sub> miri awonsi'ki tiwano' kon pe e'pai to' ena'p<sub>u</sub>? Kamoro pen pe' Mosi' nari'san Isi' apai? <sup>17</sup> Miri awonsi'ki in<sub>u</sub>' yan pi' isakorota'p<sub>u</sub> 40 kaisa ri w<sub>u</sub>ipiya? Kamoro pen pe' imakoitasa' kon rimono' tau, itekepu pe ita'po'sa' kon? <sup>18</sup> Miri awonsi'ki in<sub>u</sub>' yan pi' Papa uya usaurok<sub>u</sub>'p<sub>u</sub> to' ewonto' oton pen pi' t<sub>u</sub>umoronka'to' kon ya' ta? Kamoro pen pe' imaimu awiron kon n<sub>u</sub>'san pen? <sup>19</sup> Miri si ene'nokon to' ewom<sub>u</sub> poken para iyesei'p<sub>u</sub>, ap<sub>u</sub>ne para to' uya apuri para iyesei pi'.

## 4

### *Sapa' Pi' Papa Munki Am<sub>u</sub>' Umoronka'to'*

<sup>1</sup> Miri pe iyesei pi', moro ri mari isauro'sa' ipi' umoronka'nito' esi pi', ti'tuse e'nipai'nokon eporo poken para auta'mo'kasa' kon esi namai'.

\* **3:11** Eren 95:7-11 (LXX) † **3:15** Eren 95:7-8 (LXX) **3:18**  
Nonpa 14:1-35



2 Uri'nokon ni niri pi' itekare usekamasa' miri, to' esi'p<sub>u</sub> na'ne' kasa; e'tane itekare to' neta'p<sub>u</sub> esi'p<sub>u</sub> i'ri pe p<sub>u</sub>ra ri to' pona, ap<sub>u</sub>ne p<sub>u</sub>ra kamoro etanin nu'san uya a'si'sa' p<sub>u</sub>ra iyese'i'p<sub>u</sub> apurito' t<sub>u</sub>uya'nokon pokon pe. 3 Seri pe nin si uri'nokon apurinin nu'san ewom<sub>u</sub> miri umoronka'nito' ya', Papa uya tasa' na'ne' kasa, "Miri si ekama'p<sub>u</sub> uya usakorota pe usaurok<sub>u</sub> yau, "To' ewonto' oton pen ni umoronka'to' ya', ")\* tawon. Miri awonsi'ki it<sub>u</sub>rawasooi ri u'ma'sa' e'tane non e'kaa'p<sub>u</sub> si'kiri. 4 Ap<sub>u</sub>ne p<sub>u</sub>ra isauro'sa' mi airi ri 7 pe iku'nin w<sub>u</sub>i pi' se ton main yau: "7 pe iku'nin w<sub>u</sub>i yau Papa ereuta'p<sub>u</sub> tanporo t<sub>u</sub>rawasooi ton apai,"† tukai'. 5 Miri awonsi'ki seri na'ne' epoi te'sen yau ta iya, "To' ewonto' oton pari pen ni umoronka'to' ya'," ta.

6 Moro ri iyese'i t<sub>u</sub>ron kon ni ewonto' oton miri umoronka'nito' ya', kamoro ipana ya' itekare usekamasa' kon nu'san ewonsa' p<sub>u</sub>ra iyese'i, ap<sub>u</sub>ne p<sub>u</sub>ra main awiri p<sub>u</sub>ra to' esa' pi'. 7 Miri pe iyese'i pi', Papa uya kanan t<sub>u</sub>ron ni w<sub>u</sub>i tuka'sa', "Seri pe," tato', emennu'p<sub>u</sub> kuru ri isaurok<sub>u</sub>'p<sub>u</sub> Tepi' poro, wapiya ri ta nesiine':

"Seri pe, imaimu eta auya'nokon pe iyese'i yau,

iyewan kon ku'sa'mantanu't<sub>u</sub>, "‡

tukai'. 8 Ap<sub>u</sub>ne p<sub>u</sub>ra Isa'suwa uya to' umoronka'to' pe to' ku'sa' yau, Papa nu'sauro'kapai'no pen kanan t<sub>u</sub>ron ni w<sub>u</sub>i pi'. 9 Moro ri iyese'i Sapa' pi' umoronka'nito' Papa munki am<sub>u</sub>'iwano'; 10 ap<sub>u</sub>ne

\* 4:3 Eren 95:11; ap<sub>u</sub>ne, v. 5 niri enka'ki. † 4:4 Iseneses 2:2 ap<sub>u</sub>ne, v. 10 niri enka'ki. ‡ 4:7 Eren 95:7-8 (LXX) 4:8 Isu'taronomi 31:7; Isa'suwa 22:4

pura inu' ri tewonsen Papa umoronka'to' ya' ri kanan umoronka'pua miri tiwano' taturawasooi apai, taturawasooi apai Papa esi'pu kasa. <sup>11</sup> Miri pe iyese pi', ewon nito' kon pe usi'tunpai'nokon kuru ri miri umoronka'nito' ya', inu' ri uta'mo'ka pe iyese namai' Esuweru amu' nukuu'pu main awiri pura te'se rimono' tau pikiri te'se.

<sup>12</sup> Apune pura Papa maimu esi nurinan miri awonsi'ki iku'nin. Iyike' isi'ratoi pokon iyi supara entaino, ewan miri awonsi'ki a'kwaru ri i'monin, i'pu miri awonsi'ki ku'naai ri; ewan eseru miri awonsi'ki usenuminkan nito' aimenkanin ni. <sup>13</sup> I'ri ri tanporo iye'ka'sa' yau na'ne' e'so'namu pura ri iyese Papa enu apai. Tanporon ni e'niponkasa' miripan esi kipo'po ri kari usekaman nito' kuru ri ipi' enu yau.

### *Sises, Eke Kuru Use'man Nito' Turawasomanin Epuru*

<sup>14</sup> Miri pe iyese pi', eke kuru si use'man nito' turawasomanin epuru esa' pe e'ni pi', itisa' na'ne' Epan pona, § Sises, Papa Mumu, uta'sinpai'nokon merunti pe ekama na'ne' apurito' pi'. <sup>15</sup> Apune pura use'man nito' turawasomanin nan epuru upi'nokon i'simura e'ni pi' tauseutu'masen pen pe pura te'sen esa' pe e'ni pi', e'tane uri'nokon kasa ri mari tanporon yau ri i'tupi'nito' yau iye'sa' ru'pu—e'tane ri imakoitasa' ru'pu pen. <sup>16</sup> Waku nonkasa' na'ne' apon pona riken utinpai'nokon uyenu kon yau te'se, isentu'mato' miri awonsi'ki waku nonkasa' iya epoto' pe upika'tinin kon pe upika'tinin kon i'se kuru e'ni a'tai.

---

**4:10** Iseneses 2:2    § **4:14** Epan pona; miri pe pura, Epan awiri

## 5

1 Tanporon kon ni Papa ena' use'man nito' tarawasomanin nan epuru ton esi anansa' kon pe ka'pon amu' koro'tapai, miripan esi anansa' pe to' iwano' pe iku'nin pe Papa winikai' te'sen, to' natarunu miri awonsi'ki to' use'mato' ike makoi esi pi'. 2 I'si'man yai esii'ma kamoro i'tu iya pura na'ne' nan koneka iya miri awonsi'ki nutano'mayai'ne' nan, apune pura tumiri esi pi' i'si'mara e'nito' yau. 3 Seri wenai tumakooi iwano' pe tuse'mato' taru iya, ka'pon amu' makooi iwano' pe ri niri itaru iya.

4 Inu' uya ri seri itepuru pe e'ni namato' anumu pura iyese tiwano' pe; Papa uya riken iki'ma, Eran esi'pu kasa. 5 Miri kasa ri mari, Kurai, tiwano' pe eke pe tuku'to' ipi', Papa ena' use'man nito' tarawasomanin nan epuru pe iyena'pu pen. E'tane Papa uya,

“Umu imiri tikin nan kuru ri;

seri pe ikupunu pe enasa' seri,”\*

ta'pu. 6 Taron ni airi,

“Imiri esi Papa ena' use'man nito' tarawasomanin pe inkeru' pe ri,

Meru'kisite' kasa kuru ri,”†

tasa' iya.

7 Sises uko'mamu a'tai non po, iyipuremapitu'pu, isenapitu'pu eke pe tuki'pi'nunpi'se, tenuku'mi tenno'se kari, tupa'kinin pi' uma'tan nito' apai, miripan maimu useta'pu apune pura iye'tasa' pi' Papa ena'. 8 Imu pe ri iye'tane, main awiron

---

5:3 Ripaiti'kas 9:7    5:4 E'sotas 28:1    \* 5:5 Eren 2:7    † 5:6 Eren 110:4    5:7 Ma'siu 26:36-46; Ma' 14:32-42; Uru' 22:39-46

pe te'sen pe isenupa'pɔ tekota'mato' wini, <sup>9</sup> wakɔ pe nin si tekonekasa' ya', iyena'pɔ nin si inkero' pe ri epika'tin nito' pɔrakon pe tanporo tumaimu awiron kon iwano' pe, <sup>10</sup> miripan nin si ese'ti'pɔ Papa uya miri, use'man nito' tarawasomanin nan epuru tukai', Merɔ'kisite' kasa kuru ri.

*Panaman Uta'mo'kan Namai'*

<sup>11</sup> Eke pe kuru ina usauro'to' man seri pi', e'tane ekama poken pɔra ri sa'man pe ri iyesi, apɔne pɔra tinin pi' ri tɔusenupasan pe iwesi kon. <sup>12</sup> Seri a'tai ri, ti'sa pe iyenasa' kon nesii'no, e'tane iyenupanin kon ni i'se iwesi kon iye'sara'ti si'kiri ri kanan Papa Maimu i'nairon pi'. Mana' ri mari i'se iwesi kon, sa'man kiyari pen! <sup>13</sup> Inɔ' ri mana' pi' nɔko'manyai'ne', mɔre pe ri mari na'ne' esi miri ipoken e'nito' pi' usenupan nito' to'ka'nɔ'sa' iya pɔra ri mari. <sup>14</sup> E'tane sa'man kiyari esi miri iyaku'pɔsa' kon iwano' pe, inke apuri tɔuya'nokon ke isenupasa' kon, wakɔ miri awonsi'ki iri ka' se wa tawon nan pe.

## 6

<sup>1</sup> Miri pe iyesi pi', e'sara'tin pe Karai pi' usenupan nɔ'pɔ tɔninse, iyaku'pɔsa' pe e'nito' ya' utinpai'nokon, iyapon pe kanan era'tin nito' uma'tan nito' ya' anin nɔkupɔnɔ tɔka'pai'nokon pɔra, \* miri awonsi'ki Papa apurito', <sup>2</sup> epa'taisiman nito' pi' usenupan nito', † miya' tɔto' pi', iyeri'sa' e'mɔ'sa'kato' pi', miri awonsi'ki siyaro' eseru

---

**5:13** 1 Koren 3:2 \* **6:1** Uma'tan nito' ya' anin nɔkupɔnɔ tɔka'pai'nokon pɔra; miri pe pɔra, tɔwotori'pi kenan pen ni eseru apai † **6:2** epa'taisiman nito'; miri pe pɔra, ekorɔkan nɔkupɔnɔ.

aimenkato' nonkapai'nokon. <sup>3</sup> Iku'pai'nokon, Papa uya ta pe iyesi yau.

<sup>4</sup> Iye'kup<sub>u</sub> poken p<sub>u</sub>ra iyesi kamoro a'kwa yau iye'sa' r<sub>u</sub>'san, Ep<sub>u</sub>n pon repan nito' onpanin n<sub>u</sub>'san, Wak<sub>u</sub> A'kwar<sub>u</sub> epoka'nin n<sub>u</sub>'san na'po to' uta'mo'kasa' t<sub>u</sub>po. <sup>5</sup> I'nai ri iyesi kamoro wak<sub>u</sub> Papa Maimu onpanin n<sub>u</sub>'san miri awonsi'ki seri enta' t<sub>u</sub>uye'ton pana'pano. <sup>6</sup> Miripan kon si uta'mo'kasa' pe iyesi yau, i'nai ri iyesi to' na'po p<sub>u</sub>ra iyesi, ap<sub>u</sub>ne p<sub>u</sub>ra<sup>†</sup> t<sub>u</sub>ma'tan<sub>u</sub>'nin kon pe to' uya kanan Papa Mumu pokapi'kap<sub>u</sub> kurusu' pona, miri awonsi'ki annau to' uya ipiyi'n<sub>u</sub>'kap<sub>u</sub> ri mari.

<sup>7</sup> Non inke ri t<sub>u</sub>pona t<sub>u</sub>uta'mo'kasen tuna ensinin miri awonsi'ki kiyari konekanin kamoro iyemaina'tisa' kon iwano' pe, uya Papa uya t<sub>u</sub>p<sub>u</sub>remato' eporo. <sup>8</sup> E'tane non, imi'ni'ta miri awonsi'ki a'sini'ta a'tan<sub>u</sub>'nin esi miri iri pe, isi t<sub>u</sub>pa'n<sub>u</sub>'se' yau. Iu'mat<sub>u</sub> yau tepo'ti ton pe.

<sup>9</sup> Seri kasa ri ina usauro'tane, utonpa ton am<sub>u</sub>' r<sub>u</sub>'kwi, ina enu yau ri wak<sub>u</sub> iwa ton esi imiri'nokon pi'—wak<sub>u</sub> ton epika'tin nito' pikiri n<sub>u</sub>ye'ai'ne'. <sup>10</sup> Papa k<sub>u</sub>ri ri ipoken p<sub>u</sub>ra iyesi ta pokena' pen ni ipi'; it<sub>u</sub>rawasooi kon n<sub>u</sub>'p<sub>u</sub> miri awonsi'ki i'n<sub>u</sub>nkato' auya'nokon inenpoika'p<sub>u</sub> kon imunki am<sub>u</sub>' pika'ti'p<sub>u</sub> auya'nokon, miri awonsi'ki ikup<sub>u</sub> pi' ri me'at<sub>u</sub>i'ne' pu'tika'n<sub>u</sub>k<sub>u</sub> iya pen ni. <sup>11</sup> Ina man akaisari'nokon seri kuru kup<sub>u</sub> auya'nokon i'se ari'kena' pe iu'mat<sub>u</sub> pona ri, iye'ku'to' kon konekanin pe i'nai ri. <sup>12</sup> Emiya'ne' pe iyena kon i'se p<sub>u</sub>ra ina man, e'tane kamoro apurito' miri

<sup>†</sup> **6:6** ap<sub>u</sub>ne p<sub>u</sub>ra; miri pe p<sub>u</sub>ra, koro'tau. **6:8** Iseneses 3:17-18

awonsi'ki t̄useta'kai' p̄ra ipi' usauro'nisa' r̄p̄ eponin n̄'san kasa e'ti'.

*I'nairon Papa Usauro'sa' R̄p̄ Iku'to' Pe T̄uya*

<sup>13</sup> Papa uya Ep̄ra'an auro'ka a'tai t̄nku'ton pi', t̄nesa'ton eke tentaino p̄ra iyese pi', t̄miri pe ri iye'sesak̄p̄, <sup>14</sup> “Uri pe kuru ri ip̄rema uya miri awonsi'ki tu'ke ri apayan̄'ti uya,” Š tukai'. <sup>15</sup> Miri pi' si t̄useta'kai' p̄ra tenurik̄ t̄po, Ep̄ra'an uya si iye'kup̄ tukai' tauro'kasa' r̄p̄ eporo'p̄.

<sup>16</sup> Ka'pon am̄' uya t̄nkup̄n̄ kon ekama eke pe tentai'nokon te'san ese' yau, miripan uya nin si isauro'sa' r̄p̄ meruntitan̄k̄ miri, miripan uya tanporon ni e'sei'pi'nito' ereutan̄k̄. <sup>17</sup> Ap̄ne p̄ra t̄nekama'p̄ usensima p̄ra iyese tukai' epoton kon uya i'tu i'se tesi wenai, t̄usaurok̄p̄ akonoma'p̄ iya ikup̄ uya kuru tukai'. <sup>18</sup> Papa uya seri kup̄ uya tasa', miripan e'kup̄ kuru ri tasa' iya. Seri asa'ron usensima p̄ra iyese, ap̄ne p̄ra kasi pe Papa esi poken p̄ra iyese. Miri pe iyese pi', uri'nokon yain̄sa' kon inota' e'se'na uya emenna' pe merunti pe e'nito' an̄m̄, ap̄ne p̄ra uta'sin ke isauro'sa' pi' miri itenu yau esii'ma. <sup>19</sup> Seri si e'ku'nito' esi uya'kwar̄ kon a'sinin pe, pana' pe, aka'ne' pe pen. Tewonsen siya ri iwapu enta', <sup>20</sup> Sises, ewom̄p̄ urawiri'nokon, uiwano' kon pe na'ne' ya'. Iyenasa' si Papa ena' use'man nito' t̄rawasomanin nan epuru inkerō' pe, Mer̄'kisite' kasa kuru ri.

Š 6:14 Iseneses 22:16-17  
110:4

6:19 Ripaiti'kas 16:2

6:20 Eren

## 7

*Meru'kisite', Papa Ena' Use'man Nito' Turawasomanin*

<sup>1</sup> Puse ri Meru'kisite' esi'p<sub>u</sub> Seren po kin pe miri awonsi'ki use'man nito' turawasomanin pe, Eke Kuru Papa iwano' pe. Epura'an eporo'p<sub>u</sub> iya kin am<sub>u</sub>'ewa'noma tupo to' enu entai tenai' iyenna'po koro'tau, miripan p<sub>u</sub>rema'p<sub>u</sub> iya, <sup>2</sup> miripan repa'p<sub>u</sub> Epura'an uya 1/10 kaisa ri tanporon apai. Itese' wapiya na'ne' esi miri, "Ipoken te'sen kin," ta e'kwa pe; "Seren pon kin," ta esi kanan, "kin, tusewankamai' p<sub>u</sub>ra e'ni esa'," ta e'kwa pe.

<sup>3</sup> Kari ri mu ru'p<sub>u</sub> miri pe p<sub>u</sub>ra kamoro imunki ru'san ta poken p<sub>u</sub>ra ri iyese Meru'kisite' pi', iweyu epiya'ti'p<sub>u</sub> p<sub>u</sub>ra ri miri pe p<sub>u</sub>ra iko'manto' u'ma'sa' tato' p<sub>u</sub>ra ri iyese, Papa Mumu kasa ri, use'man nito' turawasomanin pe moro ri iyese inkeru' pe ri.

<sup>4</sup> Eke pe kuru ri iyese'p<sub>u</sub>, tapai: Epura'an, utamokori kon uya irepa'p<sub>u</sub> 1/10 kaisa ri teyaton non enapai t<sub>u</sub>nmo'ka'p<sub>u</sub> ke! <sup>5</sup> Main, Mosi' winon nin si esi Ripai payan use'man nito' turawasomanin nan pe iyenasa' kon uya 1/10 kaisa ri to' uya amaranu'to' pe ka'pon am<sub>u</sub>'piyapai—tutonpa kon am<sub>u</sub>' ri—Epura'an si'kiri ri to' u'tisa' e'tane. <sup>6</sup> Puse ri ka'pon uya Ripai pa pe te'to' e'ma'pukasa' p<sub>u</sub>ra ri iye'tane, miri ri e'tane 1/10 kaisa ri Epura'an wini amaranuku'p<sub>u</sub> iya miri awonsi'ki ip<sub>u</sub>rema'p<sub>u</sub> iya, Papa uya tauro'kapi'sa' ton nu'p<sub>u</sub> esa' pe te'sen.

<sup>7</sup> Ikasima p<sub>u</sub>ra, aiko p<sub>u</sub>rema'p<sub>u</sub> eke pe te'sen uya.

<sup>8</sup> Tikin nan esi 1/10 amaranuku' teri'san kon ni ka'pon am<sub>u</sub>' uya; e'tane t<sub>u</sub>ron ni pe kari, nurine

iyesi tato' uya amuranukū. <sup>9</sup> Ka'pon uya ri ta poken iyesi, Ripai kari ri 1/10 amuranukū pi' na'ne' uya 1/10 e'ma'pū Epura'an poro, <sup>10</sup> apūne pūra Meru'kisite' uya Epura'an eposa' a'tai, Ripai esi'pū tūtamokori pun yau ri mari.

*Sises, Meru'kisite' Waraino*

<sup>11</sup> Wakū pe ekonekan nito' e'seporo pe iyesi yau Ripai payan esi use'man nito' tūrawasomanin nan pe koro'tau (miri poro main e'turū'pū ka'pon amū'ena'), i'rito' pe ken si tūron ni kanan use'man nito' tūrawasomanin uyepū i'se e'ni'pū—Meru'kisite' waraino kuru, Eran waraino pen? <sup>12</sup> Apūne pūra si Eran poro use'man nito' tūrawasomanin ye' pe te'sen usensimasa' a'tai, main ni niri usensimato' pe iyesi. <sup>13</sup> Sises si, seri ton usauro'sa' na'ne' ipi' esi tūponaron ni tūron ni ko' ri, miri awonsi'ki miri ko' awon ni e'tūrawasomasa' pūra iyesi use'man nito' apon po. <sup>14</sup> Apūne pūra i'tu ri uyepuru kon u'tisa' Isuta ko' wini, miri ko' amū' pi' Mosi' usauro'sa' pūra ri iyesi use'man nito' tūrawasomanin nan pe. <sup>15</sup> Miri awonsi'ki ina uya tasa' na'ne' esi wakū pe tenka'sen pe ri, tūron ni use'man nito' tūrawasomanin Meru'kisite' waraino usenpoikasa' pe iyesi yau, <sup>16</sup> kari use'man nito' tūrawasomanin pe iyenasa' main wini itamokori ton e'sa' wenai pen, e'tane tu'ma'sen pen uko'man nito' meruntirū wini. <sup>17</sup> Apūne pūra isekamasa':

“Miri esi use'man nito' tūrawasomanin pe inke ri,  
Meru'kisite' kasa kuru ri,”\*  
tukai'.

---

\* 7:17 Eren 110:4



18 Wapiyaro' main, Mosi' winon utamasa' apune p̄ra i'si'mara miri awonsi'ki pika'tinin pe p̄ra iyese pi' 19 (apune p̄ra main uya i'ri konekasa' p̄ra iyese wak̄u pe), miripan wak̄u pari nin si e'ku'nito' ekamasa', a'ko pe nin si Papa piya' une'nin kon.

20 Iye'ku'to' pe ikup̄u uya ta Papa uya a'kiri iyekonekasa'! T̄ron kon use'man nito' t̄rawasomanin nan ekonepit̄u'p̄u iye'ku'to' pe ikup̄u uya ta Papa uya a'kiri p̄ra. 21 E'tane Sises ekoneka'p̄u use'man nito' t̄rawasomanin pe iye'ku'to' pe ikup̄u uya ta Papa uya a'kiri, ta'p̄u iya ipi' a'tai:

“Itepuru uya iye'ku'to' pe ikup̄u uya tasa',

miripan uya teseru ensima pen:

‘Miri esi use'man nito' t̄rawasomanin pe inke ri.’”†

tasa' iya. 22 Apune p̄ra seri tasa' pi', Sises ekonekasa' wak̄u kuru nin ekonekan nisa' wapiyaro' entaino ekamanin pe.

23 Miri si, tu'ke ri kamoro use'man nito' t̄rawasomanin nan esi'p̄u, apune p̄ra uma'tan nito' uya to' uko'mam̄u t̄t̄rawasooi kon kup̄u pi' poken p̄ra ikup̄u wenai; 24 e'tane si, Sises uko'mam̄u pi' inke ri, aka'nero' pe p̄ra nin si use'man nito' t̄rawasomanin ye' pe iyese. 25 Miri pe nin si iyese pi', kamoro Papa piya' t̄uuye'san t̄poro pika'ti iya miri tenuka'n̄u'se kuru,‡ apune p̄ra tiwiri ri t̄uko'mam̄u pi' to' pona usennan pi'.

26 P̄use ri warai nin si use'man nito' t̄rawasomanin nan epuru uya i'se e'nito' eporo miri—k̄ari wak̄u pe na'ne', i'ri iri p̄an ni, esukenan

† 7:21 Eren 110:4 ‡ 7:25 tenuka'n̄u'se kuru; miri pe p̄ra, tiwiro' pe

ni, tumakooikena' nan piyapai iyemo'kasa', ka' enta' ri iyenu'sa'. <sup>27</sup> Taron kon use'man nito' tarawasomanin nan epuru ton kasa para iyese, wai kaisari ri use'man nito' ton tarawasomato' iya para iyese, wapiya tumakooi iwano' pe miri awonsi'ki ka'pon amu' makooi iwano' pe. To' makooi iwano' pe iye'taru'pu tikin ite'kwa tunakonomaton pe para ri tumiri pe use'man nito' ike pe. <sup>28</sup> Main uya i'si'munon ka'pon amu' anumu use'man nito' tarawasomanin nan epuru ton pe; e'tane iye'to' pe tawon, iye'sa' na'ne' main ekoneka'pu tupo, uya Imu anumu'pu, iyekonekasa' waku pe inkeron' pe.

## 8

### *Sises, Emenna' Ekonekan Nito' Epuru*

<sup>1</sup> Se kuru sa'ne ta ina uya: Puse ri warai use'man nito' tarawasomanin nan epuru esa' pe e'ni, iyereutasa' ru'pu enwo'ne' miya' wini eke pe kuru te'sen ye' apon po Epan po, <sup>2</sup> te'tarawasomasen ipareman nito' iwu' tau, i'nairon kuru ta'porin, Itepuru ri ni'mu'sa'ka'pu, ka'pon ni'mu'sa'ka'pu pen.

<sup>3</sup> Tanporon kon use'man nito' tarawasomanin nan epuru pe anansa' uya asa'ri ri tutusen miri awonsi'ki use'man nito' ike taru, miri kasa ri si puse ri natuton ni mari esi'pu. <sup>4</sup> Non po iyese yau, use'man nito' tarawasomanin pe para ri iyese miri, apune para moro ka'pon amu' esi pi' tutusen tunin nan pe main uya ekamasa' awiri. <sup>5</sup> To' e'tarawasoma Epan pon ipareman nito' iwu'

a'kwaru'pu tau ri, ikasa ipatakasa' pe te'sen. Miri pe iyese pi', Mosi' panama'pu miri ipureman nito' iwu' ami pi' iyekoneka koro'tau: "Menei, tanporon ni koneka auya, iyena' wu' po enpoika'pu na'ne' kasa ento' auya ipi' pe,"\* tukai'. <sup>6</sup> E'tane Sises turawasooi ineporo'pu esi eke pe Mosi' turawasooi entai, waku kuru ekonekan nisa' Papa winon eposa' iya tantaton eke pe penaro' entai, miripan e'tusa' waku ton kuru nin e'ku'to' pi' isauro'sa' po.

<sup>7</sup> Apune pura wapiyaro' ekonekan nito' esi yau waku pe, taron ni ne'warinpai'no pen ni. <sup>8</sup> E'tane Papa uya iri eporo'pu tumunki amu' pi', miripan uya ta'pu,

"Iweyu uye'ni pi' man, ta pi' Itepuru man,  
emenna' ekonekan nito' konekato' uya weyu  
Esuweru amu' pokon pe,  
miri awonsi'ki Isuta amu' pokon pe.

<sup>9</sup> To' tamokori ton pokon pe unkoneka'pu  
ekonekan nito' waraino pen,  
to' emiya pi' to' a'si'pu uya a'taino  
to' ato' pe uya Isi' apai,

apune pura tumiri'nokon pokon pe ekoneka a'tai  
tusauroku'pu kon awiri pura to' esi'pu,  
miripan kon piyapai era'ti'pu,  
ta Itepuru uya.

<sup>10</sup> Se si seri ekonekan nito' konekato' uya Esuweru  
amu' pokon pe,  
miri pata'pu pe, ta Itepuru uya,  
Umaimu nonka uya miri to' usenuminkato' ya'  
miri awonsi'ki imenuka uya to' ewan pi'.  
To' e'to' itese' pi' pe e'to' oton,

---

\* 8:5 E'sotas 25:40

- miri awonsi'ki umunki amu' pe to' e'to' oton.
- 11 Seri enta' ka'pon uya tatonpa enupato' oton pen,  
miri pe para ka'pon uya takon enupato' oton  
pen, 'Itepuru i'tuki,' tukai',  
apune para tanporo to' uya ui'tuto' oton  
sepan kon apai eke ton pe kuru te'san pona ri.
- 12 Iri to' eseru pi' usentu'mato' oton,  
miri awonsi'ki uyenu yau to' makooi ku'to'  
uya oton pen ni miri enta',”†  
tasa'.
- 13 Seri si ekonekan nito' esaku iya wini  
“emenna,” tukai', wapiyaro' ku'sa' iya tapurisen  
pe para; miripan si tapurisen pe para te'sen miri  
awonsi'ki ipooi'pi pe te'sen para iyena seri pe ri.

## 9

### *Apuripitu, Non Pon Ta'porin Tau*

1 Seri si wapiyaro' ekonekan nito' esi'pu,  
teseru ke Papa apuripi'to' esi'pu miri awonsi'ki  
ipureman nito' iwu' seri non pon kanan. 2 Ta'porin  
i'mu'sa'ka'pu. Wapiyaro' iwa'ku'sa' tau raan'pu  
apon esi'pu, miri awonsi'ki tepuru miri awonsi'ki  
ipuremasa' pureti; seri esaku miri Waku Pata,  
tukai'. 3 Isakon pe te'sen iwapu entau iwa'ku'sa'  
kanan esaku esi'pu Ipan Waku Kuru Pata, tukai',  
4 miri yau koru pun konekasa' use'man nito' apon  
a'po'nan kirii'nunpato' ipo, miri awonsi'ki koru ke  
ipi'pi'tisa' ekonekan nisa' en. Seri yau kanan koru  
pun konekasa' samaku pe yau “mana” tato' to' yu  
pe iye'sa' ru'pu esi'pu, Eran yuu iyenparukutasa'

† 8:12 Iseremaya 31:31-34 (LXX) 9:2 E'sotas 26:1-30; 25:31-40,  
23-30 9:3 E'sotas 26:31-33

rũ'pũ, miri awonsi'ki ti' amũ' ekonekan nito' apon ton. <sup>5</sup> Miri iten pũro'po ika'sa' ton inserũ amũ' A'kwa iwano' ton esi'pũ, iri pe e'ni'pũ apai ekonekan pata'se' epoino.\* E'tane seri ton ekama poken pũra man tanporo seri pe.

<sup>6</sup> Seri kasa si ikonekasa' ya', use'man nito' tũrawasomanin nan ewomũ isi'pakiri ri kipo'pon iwa iwa'kũ'sa' ta' tũtũrawasooi kon ku'se'na. <sup>7</sup> E'tane use'man nito' tũrawasomanin nan epuru riken ewomũ i'nawon iwa'kũ'sa' ta' tikin ite'kwa riken wũpiya yau, man esa' pe kuru itito' pe iyesei tũntũton pe tũmakooi epe'pũ pe miri awonsi'ki ka'pon amũ' makooi epe'pũ pe to' nakupũ'pũ i'tui'ma pũra ri. <sup>8</sup> Wakũ A'kwarũ uya enpoika'pũ seri wini Ipan Wakũ Kuru Pata e'ma uta'kokasa' pũra iyesei moro ri mari wapiyaro' tũponaron iponaro' ta'porin esi pi'. <sup>9</sup> Seri seri, seri a'taino ekamanin, tũtũsen, use'man nito' ike itusa' rũ'pũ uya apuripi'nin nan ewan konekasa' pũra iyesei. <sup>10</sup> Kiyari pe ri nin miri awonsi'ki tensisen pe ri nin iyesei'pũ, ekorũkan pe ri—kipo'pon eseru pe ri nin emenna' eseru weyu e'seporo pona ri.

### *Kũrai Mũnũ*

<sup>11</sup> Kũrai uye'sa' a'tai use'man nito' tũrawasomanin nan epuru pe wakũ ton seri yau iyenaka'sa' na'ne' ton† iwano' pe, iti'pũ eke kuru ipan pe wakũ pe te'sen ta'porin ka'pon

---

**9:4** E'sotas 30:1-6; 25:10-16; 16:33; Nonpa 17:8-10; E'sotas 25:16; Isu'taronomi 10:3-5 \* **9:5** ekonekan pata'se' epoino; miri pe pũra, pi' wanni usentu'man apon. **9:5** E'sotas 25:18-22 **9:6** Nonpa 18:2-6 **9:7** Ripaiti'kas 16:2-34 † **9:11** iyenaka'sa' na'ne' ton; miri pe pũra, seri ya' tũuye'ton.

nukoneka'pu pen awiri, seri ri ika'sa' pu'ku ta pen sa'ne. <sup>12</sup> Kapirita manu miri awonsi'ki paka mare manu wini iyewomu'pu pen; e'tane iyewomu'pu Ipan Waku Kuru Pata ya' tikin ite'kwa tanakonomaton pe para ri tumanu wini ri, tiwiro' pe ri uye'mato' kon tepose. <sup>13</sup> Kapirita amu' manu miri awonsi'ki warawo' pe te'sen paka amu' manu miri awonsi'ki paka mare po'tisa' urumiru'puhi turu'pi'sa' kamoro iri pe te'san<sup>†</sup> korakanin pe iri apai to' e'to' pe waku pe kipo'po. <sup>14</sup> Miri entai kuru ri nin si Kurai manu, aka'nero' pen Iya'kwaru awiri iye'tusa' ru'pu tiwano' pe tamaku'pi ke para Papa ena', uya uyewan kon koruka, unku'punu kon uyanin kon uma'tan nito' ya' apai,§ Papa nurinan apiyo' pe e'nito' pe!

<sup>15</sup> Seri wenai Kurai esi emenna' ekonekan nito' yau iporo e'nito' pe, kamoro si iki'masa' kon uya iye'kupu tukai' auro'kasa' kon uya tutusen epoto' pe siyaro' ri—seri si tuma'tasa' pi' to' epe' pe to' mo'kanin pe makoi, to' nukupu'pu apai wapiyaro' ekonekan nito' o'noro esii'ma.

<sup>16</sup> Eri'nisa' a'tai te'nonkasen imamin nu'pu wanni karetaai esi a'tai, i'nai ri pe' inonka tawon nu'pu eri'kaa'pu tukai' ti'tusen pe iyesi, <sup>17</sup> apune para inonkasa' anunto' pe iyesi, tawon nu'pu eriku'pu a'tai riken; nurine tawon nu'pu e'tane para. <sup>18</sup> Miri wenai wapiyaro' ekonekan nito' e'kupu para iye'pitu'pu miri man e'kwansa' para iye'tane. <sup>19</sup> Mosi' uya tanporon ni apiyontin nito'

---

† **9:13** iri pe te'san; ike'ike pe te'san kasa te'san    **9:13** Ripaiti'kas  
 16:15-16; Nonpa 19:9, 17-19    § **9:14** Uma'tan nito' ya' apai; miri  
 pe para, i'ri ku'nin pen ni iku'to' pe iku'sa' apai.

main yau na'ne' ekama a'tai tanporon kon ka'pon amu' pana ya', paka munki munu anamu'pu iya tuna amutu pe, tatariren karimeru i'po' konekasa' miri awonsi'ki i'so'pu ye' tato' panta, miripan uya kareta amon miri awonsi'ki tanporon kon ka'pon amu' pai'pai'ma'pu ike. <sup>20</sup> “Seri seri ekonekan nito' munu, Papa uya ayapiyontisa' kon na'ne' iyawiri iwesi kon pa,”\* ta'pu iya. <sup>21</sup> Miri kasa ri mari, ta'porin miri awonsi'ki itau tapurisen i'ri e'kupu yau pai'pai'ma'pu iya mun ke. <sup>22</sup> I'nai ri sa'ne main esi tanporon iwa ri ekoruka i'se mun ke, apune para mun utisa' para iye'tane makoi pi' usentu'man para ri iyesi.

<sup>23</sup> Iye'ku'to' pe kuru iyesi'pu Epan pon patakanin ekorukato' pe iyesi'pu seri ton use'man nito' ton ike munu ke, e'tane si Epan po'nan kuru nin si ekorukato' pe iyesi seri entaino use'man nito' ton ike ke. <sup>24</sup> Apune para Kurai ewonsa' para iyesi Epan pon patakanin ka'pon nukoneka'pu ipureman pata'se' ya' i'nairon patakanin ya'; Epan pona kuru ri nin iyepa'ka'pu, seri pe si tausenkoika ton pe uri'nokon iwano' pe Papa piya'. <sup>25</sup> Miri pe para Epan pona iyepa'ka'pu e'tupi'se'na kanan pen, use'man nito' turawasomanin nan epuru kasa Ipan Waku Kuru Pata ya' wai'piya kaisa ri tumunu pen ni esa' pe. <sup>26</sup> Kurai ri nin uya e'ne' moronka nesii'no inke ri, non e'kaa'pu si'kiri ri. E'tane si isenpoikasa' tikin ite'kwa tunakonomaton pe para ri nin, pata weyu u'matu a'tai makoi eno'ma pe tumiri ke tause'ma ke. <sup>27</sup> Ka'pon eriku tikin ite'kwa

---

\* **9:20** E'sotas 24:8    **9:21** Ripaiti'kas 8:15    **9:22** Ripaiti'kas 17:11

na'ne' kasa, miri tupo eseru aimenkato' epoton pe, <sup>28</sup> miri kasa si Kurai e'turu'pu tikin ite'kwa tu'kan kon ka'pon amu' makooi mo'kanin pe; miripan usenpoikato' oton iyakon ite'kwa pe, makoi tarawasomase'na pen, e'tane epika'tin nito' ne'se'na kamoro tenupikiri te'san iwano' pe.

## 10

### *Kurai E'turu'pu Use'man Nito' Ike Pe Tikin Ite'kwa Ri*

<sup>1</sup> Main, Mosi' winon esi waku ton tuye'sen a'kwaru'pu pe ri—tuye'ton kapisin pe iyesi. Miri pe iyesi pi', kamoro a'ko pe Papa apuripi'se tuye'san koneka iya para iyesi waku pe, miri ri use'man nito' ike utakonomapi'tane wapiya kaisari ri. <sup>2</sup> To' konekanin pe iyesi yau, use'man nito' ike ereuta'pu nesii'no. Papa apuripi'nin nan ekoruka'pu nesii'no tikin nan pari ri, tumakooi ke to' nusi'tui'no pen ni. <sup>3</sup> E'tane nin si miri use'man nito' esi wapiya kaisa ri makoi pi' emiya'pontipi'nin pe, <sup>4</sup> apune para paka, warawo' pe te'sen miri awonsi'ki kapirita man uya makoi mo'ka para ri iyesi ke.

<sup>5</sup> Miri pe iyesi pi', tuuyepu a'tai seri non pona, Kurai uya ta'pu:

“Use'man nito' ike miri awonsi'ki tatusen i'se para iwesi'pu,

e'tane upun inkoneka'pu;

<sup>6</sup> iyepori'ma para iyesi'pu

ipo'ti pe tatusen pi' miri awonsi'ki makoi ku'sa' epe'pu pe tatusen pi'.



7 Miri a'tai ta'pɥ uya, 'Moro ri e'ai',  
 Papa, uye'sa' man i'se iwe'to' ku'se'na —  
 iye'menukasa' na'ne' kasa upi' kareta amon  
 pi', ”\*

ta'pɥ iya. 8 Ta'pɥ iya wapiya, “Use'man nito'  
 ike miri awonsi'ki tatusen, ipo'ti pe tatusen miri  
 awonsi'ki makoi ku'sa' epe'pɥ pe tatusen i'se pɥra  
 iwesi'pɥ, pori' pe pɥra iwesi'pɥ ipi',” ta'pɥ iya  
 (main uya ri iye'ku'to' pe tasa' e'tane). 9 Miri a'tai,  
 “Moro ri e'ai', uye'sa' man i'se iwe'to' ku'se'na,”  
 ta'pɥ iya. Wapiyaro' use'man nito' wɥrɥuka'pɥ iya  
 ipikiron pata pe. 10 Miri si i'se iye'to' wini, wakɥ  
 pe nin si ekonekan nisa'nokon, Sises Kɥrai pun  
 use'man nito' ike poro tikin nan pari ri.

11 Wɥi kaisari ri tanporon kon use'man nito'  
 tɥrawasomanin nan e'soto'kasa' uya tɥtɥrawasooi  
 kon kupɥ; miri ri mari akonomapitɥ pi', makoi  
 mo'kanin pen ni. 12 E'tane nin pɥse ri use'man  
 nito' tɥrawasomanin uya tikin ite'kwa ri use'man  
 nito' makoi iwano' pe tɥrɥ'pɥ siyaro' pe ri, miripan  
 nin si ereutasa' Papa emiyatɥ enwo'netɥ wini.  
 13 Miri si'kiri, iyenurikɥ si ti'ta apon pe teyatɥ  
 non koneka enupikiri, 14 apɥne pɥra tikin nan ni  
 use'man nito' ike ke kamoro wakɥ pe tekonekasan  
 konekasa' iya wakɥ pe inkerɥ' pe ri.

15 Wakɥ A'kwara uya ri niri seri ekamasa'  
 upi'nokon. Ta iya wapiya:

16 “Seri seri to' pokon pe ekonekato'  
 miri tɥpo, ta Itepuru uya.

Main uiwano' emaika uya to' ewan ya',

---

\* **10:7** Eren 40:6-8 (LXX)    **10:11** E'sotas 29:38    **10:12** Eren  
 110:1

to' usenuminkato' pi' imenuka uya.”†

<sup>17</sup> Miriꞑan pirikꞑa iya:

“To' makooi miriꞑ awonsi'ki main uya tato' awiriꞑ  
pꞑara to' nukupꞑnꞑ

kupꞑa uya pen uyenu yau,”‡

ta iya. <sup>18</sup> Seri ton pi' si usentu'man nisa' pi', makoi  
ku'sa' pi' use'man nito' pꞑara ri iyese miriꞑ.

### *A'ko Pe Papa Piya' Uye'nipai'nokon*

<sup>19</sup> Miriꞑ pe iyese pi', utonpa ton, ewon ni'nokon  
Ipan Wakꞑ Kuru Pata ya' tukai' uyenu kon  
yau e'ni'nokon pi' Sises mꞑnꞑa wini, <sup>20</sup> emenna'  
miriꞑ awonsi'ki nurinan uye'ma kon uta'kokasa'  
pi' iwapu awiriꞑ, ipun ni si, <sup>21</sup> eke si use'man  
nito' tꞑrawasomanin esi pi' Papa iwꞑ' esa'  
pe, <sup>22</sup> uye'nipai'nokon si a'ko pe Papa piya'  
wakꞑ pe itewan, apurito' esa' pe uyewan kon  
yau, iyepai'pai'masa' ukorꞑkanin kon pe iri  
ku'nin nꞑ'pꞑa pe usi'tun nito' apai miriꞑ awonsi'ki  
upun kon iyekorꞑkasa' pe esukenan tuna ke.  
<sup>23</sup> Uta'sinpai'nokon pana' pe e'ku'nito' unekamanꞑ  
kon pi', apꞑne pꞑara isauro'sa' ri esi tꞑusaurokꞑ'pꞑa  
awiron pe ri. <sup>24</sup> Miriꞑ awonsi'ki utonpa kon pi'  
tꞑusenuminkasen pe e'nipai'nokon to' pori'manin  
pe tꞑusi'nꞑnkasen pe miriꞑ awonsi'ki wakꞑ  
ku'nin pe to' e'to' pe. <sup>25</sup> Amꞑrap'i'nito' eseru  
nonkapai'nokon pꞑara, tꞑron kon nꞑnonkayai'ne'  
kasa, e'tane utonpa kon pori'mapi'pai'nokon —  
miyarꞑ pari apꞑne pꞑara Iweyu e'seporo enkapꞑ  
auya'nokon pi'.

---

† **10:16** Iseremaya 31:33 ‡ **10:17** Iseremaya 31:34 **10:22**  
Ripaiti'kas 8:30; Isi'kiyerꞑ 36:25

26 Ipi' ri te'ku'se umakoitan pi' uko'man ni yau i'nairon anankapu tupo, miri rupi makoi iwano' pe use'man nito' e'ku'sa' para iyese miri, 27 e'tane enari'nun nito' riken eseru aimenkato' e'seporo pi', isi ri apo', Papa eyaton non po'ti ton. 28 Inu' ri Mosi' winon main awiron pen wipitu'pu usentu'man para ri ipi', asa'ron kon miri pe para osoruwawon kon uya tanene'pu kon iri kupu iya ekamasa' pi'. 29 Fri kaisa ri ken si ka'pon kota'mato' pe iyese, Papa Mumu wasa'pi'nin ti'ta ke, sepan pe ri tukonekanin pe te'sen ekonekan nito' manu ku'nin, miri awonsi'ki waku nonkasa' Iya'kwaru uya sapemanin nu'pu tukai', mi'tuyatu? 30 I'tu'nokon seri tawon nu'pu, "Uri ri e'manin; uri uya ina'po," § miri awonsi'ki kanan, "Itepuru uya tumunki amu' eseru aimenka."\* 31 Isi pe ri iyese Papa nurinan ena'uta'mo'kan.

32 Iyenu kon yau nesii iweyu anansa' auya'nokon a'taino ru'pu, merunti pe iye'soto'ka'pu kon eke ri sa'man usi'tun nito' annawiri ri. 33 Turon ni a'tai annau ri asapemapitu'pu kon miri awonsi'ki isi pe ri ikota'ma'pu kon; turon ni a'tai kamoro miri kasa tuku'san pokon pe ri iye'soto'pitu'pu kon. 34 Kamoro pariki'si tau te'san pi' iusentu'mapitu'pu kon, iimamin kon ni mo'kasa' e'tane pori' pe ri iwesi'pu kon, apune para i'tu auya'nokon ke waku pari miri awonsi'ki inke tuku'mansen iwano' kon esi pi'.

35 Miri pi' iyenu kon yau iwe'to' kon

10:27 Aisaya 26:11 (LXX)

10:28 Isu'taronomi 17:6; 19:15

10:29 E'sotas 24:8

§ 10:30 Isu'taronomi 32:35

\* 10:30

Isu'taronomi 32:36; Eren 135:14

ku'keno'matuu; eke pe iyep'e'pu kon eporo auya'nokon miri. <sup>36</sup> Sa'man annawiri ri iutito' kon pe iyesei te'nonkai' pu'ra, Papa e'to' i'se ku'sa' auya'nokon a'tai, isauroku'pu ru'pu iye'ku'to' pe eporo kon pa. <sup>37</sup> Apune pu'ra seri pe iwa'ne ri,

“Tuuye'sen uye'ni pi' man, emennu'pu iyepu pen.

<sup>38</sup> E'tane ipokena' e' pe te'sen uko'mamu miri apurito' wini.

Tesi'pu ya' iyenna'posa' yau,

pori' pe ipi' esi pen miri,”†

tasa' iya. <sup>39</sup> E'tane uri'nokon kamoro to' kasa tenna'posan pen miri awonsi'ki tuma'tasan pen, e'tane kamoro apurinin nan miri awonsi'ki tepika'tisan iye'ton pe te'san.

## 11

### *Apurito' Iwini*

<sup>1</sup> Seri si apurito' esi miri i'nai ri iyesei tato' e'ku'nito' pi' miri awonsi'ki moro kuru iyesei tato' entane pu'ra ri. <sup>2</sup> Seri pi' penaro' kon apuripitu'pu miri.

<sup>3</sup> Apurito' wini ito'ka'nu'ku tanporo non ekoneka'pu Papa maimu ke, tensen pe na'ne' ekoneka'pu tensen penapai. <sup>4</sup> Apurito' wini Eperu uya waku tause'mato' turu'pu Papa ena' waku Keen naturunu entaino. Apurito' wini apuripitu'pu ipokena' e' pe te'sen tukai', Papa usauro'sa' a'tai waku pe inturunu ton pi'. Miri awonsi'ki apurito' wini isauroku ri, teri'sa' ri e'tane.

† **10:38** Apa'ka' 2:3-4 (LXX) **11:3** Iseneses 1:1; Eren 33:6, 9; Isaan 1:3 **11:4** Iseneses 4:3-10

<sup>5</sup> Apurito' wini Iino' enuku'p<sub>u</sub> seri yau uko'man nito' apai, eri'nito' i'tu t<sub>u</sub>uya namai'; iye'seporo p<sub>u</sub>ra ri iyese'i'p<sub>u</sub>, ap<sub>u</sub>ne p<sub>u</sub>ra Papa uya an<sub>u</sub>m<sub>u</sub>'p<sub>u</sub>. Ap<sub>u</sub>ne p<sub>u</sub>ra itan<sub>u</sub>m<sub>u</sub> rawiri, apuripit<sub>u</sub>'p<sub>u</sub> pori' pe Papa ku'nin tukai'. <sup>6</sup> Apurito' p<sub>u</sub>ra iye'tane pori' pe Papa kup<sub>u</sub> auya p<sub>u</sub>ra iyesei, ap<sub>u</sub>ne p<sub>u</sub>ra in<sub>u</sub>' ri ipiya' t<sub>u</sub>uye'sen uya apurito' pe kuru iyesei moro iyesei tukai', miri awonsi'ki i'nai ri t<sub>u</sub>awarinpanin nan e'ma iya tukai'.

<sup>7</sup> Apurito' wini Nowa esi'p<sub>u</sub>, t<sub>u</sub>panama a'tai t<sub>u</sub>sensen pen ni pi', Papa nama t<sub>u</sub>uya pi' a' kaa'p<sub>u</sub> iya tam<sub>u</sub>t<sub>u</sub> pokon pe tepika'tito' yau. Iko'manto' wini apurito' yau non pon kon eno'ma'p<sub>u</sub> iya, e'tane Papa uya tan<sub>u</sub>m<sub>u</sub> kuu'p<sub>u</sub> iya ipokena' pe e'nito' an<sub>u</sub>nnin pe apurito' iya wini.

<sup>8</sup> Apurito' wini Ep<sub>u</sub>ra'an, t<sub>u</sub>ki'masa' a'tai t<sub>u</sub>utito' pe pata t<sub>u</sub>pata'se' pe it<sub>u</sub>ton ya', uya apurip<sub>u</sub> miripan uti'p<sub>u</sub>, miri ya' uti tukai' i'tui'ma p<sub>u</sub>ra ri. <sup>9</sup> Apurito' wini t<sub>u</sub>pata oton koneka'p<sub>u</sub> iya usauro'nisa' r<sub>u</sub>'p<sub>u</sub> ipi' nono yau, ka'k<sub>u</sub>ran pe ri innon ni pata yau; ta'porin tau iko'manpit<sub>u</sub>'p<sub>u</sub>, Aisi' miri awonsi'ki Seko' pokon ni niri uko'mama'p<sub>u</sub> miri kasa, miri ri mari usauro'nisa' r<sub>u</sub>'p<sub>u</sub> ipi' eponin nan ipokon pe, <sup>10</sup> ap<sub>u</sub>ne p<sub>u</sub>ra eke pata, tapon kenan, Papa n<sub>u</sub>koneka'p<sub>u</sub> miri awonsi'ki inami'p<sub>u</sub> enupikiri tesi kon wenai.

<sup>11</sup> Apurito' wini Ep<sub>u</sub>ra'an, ipan pe k<sub>u</sub>yi' pe kuru ri iyenasa' e'tane—miri awonsi'ki Sera ri kanan e'tane umu'tan poken p<sub>u</sub>ra ri—to' ri umu'ta'p<sub>u</sub>, ap<sub>u</sub>ne p<sub>u</sub>ra t<sub>u</sub>usaurok<sub>u</sub>'p<sub>u</sub> awiri Papa esi tukai'

apurì iya wenai. <sup>12</sup> Mirì kasa si puse ri tikin nan ni ka'pon apai, iyeri'sa' pe ri te'sen apai ri, tu'ke ri ipayan ton e'seporo'pua miri, itu'kanoro i'tu poken para ri, siriki amua' ka' awon kon miri awonsi'ki wi'si' parau e'pi pon kasa ri.

<sup>13</sup> Tanporo pūsamoro ka'pon amua' uko'mamua ri esi'pua apurito' wini tūuma'ta kon a'tai ri. Usauro'nisa' ipi' ru'pua eporo'pua to' uya pen ni; to' uya riken ene'pua innonsi'ki miripan ereutanuku'pua to' uya. To' uya ekama'pua seri non esi tūpata kon pe para tukai'. <sup>14</sup> Ka'pon amua' miri tawon nan esi tūpata kon kuru enupikiri te'san pe. <sup>15</sup> Tūnniminu kon tūpata kon pi' to' usenuminka yau, to' ri enna'po'pua nesii'no. <sup>16</sup> E'tane ru'ku, waku kuru pata, Epan pon enupikiri to' esi. Miri pe iyese pi', Papa ipiyitu pen ni, to' e'to' itese' pi' ta a'tai tūpi', apune para to' pata konekasa' tūuya pi'.

<sup>17</sup> Apurito' wini Epara'an, Papa uya ti'tupitu a'tai, uya Aisi' tūru'pua tūuse'mato' ike pe. Kuri ri si usauro'nisa' ru'pua eponin nu'pua esi'pua tikin nan niken tamu ke use'man pi', <sup>18</sup> Papa uya ri, "Aisi' wini usauro'nisa' kon ipi' apayan ton uyepua miri,"\* tasa' e'tane. <sup>19</sup> Epara'an uya i'tu Papa uya ri Aisi' i'mua'sa'ka ima'tato' apai tukai', Papa uya ri si Aisi' i'mua'sa'ka'pua iyeriku'pua apai kasa ri si.

<sup>20</sup> Apurito' wini Aisi' uya Seko' miri awonsi'ki I'sa pūrema'pua miri enta' to' uko'manto' pi'.

<sup>21</sup> Apurito' wini Seko' uya teriku a'tai Iose' munki amua' pūrema'pua to' kaisa ri, miripan

---

**11:12** Iseneses 15:5; 22:17; 32:12      **11:13** Iseneses 23:4;  
 1 Karonokarus 29:15; Eren 39:12      **11:17** Iseneses 22:1-14  
 \* **11:18** Iseneses 21:12      **11:20** Iseneses 27:27-29, 39-40

e'tunkasa' tuteke'semu putu pona uya Papa apuripitu'pu.

<sup>22</sup> Apurito' wini Iose', a'ko pe taweyu esi pi', isauroku'pu Esuweru amu' utito' pi' Isi' apai miri awonsi'ki tuyi'pu ru'pu ato' pe to' uya ta'kiri'nokon to' auro'ka'pu iya.

<sup>23</sup> Apurito' wini Mosi' sanon uya onamu'pu osoruwau kapu' iyentu'pu awonsi'ki, apune para waku pe ru'kw' iyese ene'pu to' uya, miripan kon esi'pu kin maimu pi' to' enari'namu para ri.

<sup>24</sup> Apurito' wini Mosi' esi'pu, tausemo'kasa' a'tai, Peero ensi mare ta i'se para tupa'. <sup>25</sup> Papa munki amu' pokon pe tukota'mato' pe iye'kuu'pu, makoi eseru yau pori' pe tuko'mamu namai' aka'ne' pe ri. <sup>26</sup> Kurai pikir' sapeman nito' esi epe'kena' pe Isi' pon mamin entai tukai' i'tu tuya ke, apune para tepe'pu inepapai tesi pi'. <sup>27</sup> Apurito' wini Isi' nimi'pu iya, kin sakorooi pi' te'namai' para; sa'man annau ri apune para tausemen pen ensa' tuya pi'. <sup>28</sup> Apurito' wini To' Epoi Itito' pi' enta'nan nito' tipiyaruka'pu iya. Miri a'tai, man pai'pai'mato' pe mara'ta wakapuri pona to' uya ikuu'pu iya, wapiya iyentusa' ma'tanu'nin uya wapiya iyentusa' Esuweru amu' mare ma'tanuku' namai'.

<sup>29</sup> Apurito' wini Esuweru amu' uya Isuweyu Parau ni'kwiri'naku'pu a'mun non poro utin kasa ri; miri kupu i'se Isi' pon kon e'tane, to' aputa'pu.

<sup>30</sup> Apurito' wini Iseri'ko wekupiri uta'mo'ka'pu, 7 kaisa ri wai iwoi Esuweru amu' utipitu'pu

---

**11:21** Iseneses 47:31 (LXX); 48:1-20    **11:22** Iseneses 50:24-25; E'sotas 13:19    **11:23** E'sotas 2:2; 1:22    **11:24** E'sotas 2:10-12  
**11:28** E'sotas 12:21-30    **11:29** E'sotas 14:21-31

e'sorũ'mai'ma tũpo.

<sup>31</sup> Apurito' wini Reyapu, pũrata pikiri tekumasen, wini pũra iyese'pũ, main awiron kon pen pokon pe, apũne pũra, ama'ai non ense itisa' kon ereutanũ'sa' iya pi'.

<sup>32</sup> I'ri ta uya miri enta'? Uweyu pũra man, Kitiyan pi', Para' pi', Sansũn pi', Ise'ta pi', Tepi' pi', Sanwerũ pi', miri awonsi'ki pu'kena' amũ' pi' usaurokũ weyu, <sup>33</sup> apurito' wini esa' wannĩ pe te'sen pata ton mo'kapi'nin nũ'san, isi'kaisa ri ekamũra te'san tũrawasomapi'nin nũ'san, us-auro'nisa' rũ'pũ ipi' epopi'nin nũ'san; rayan amũ' mũta a'kopi'nin nũ'san, <sup>34</sup> apo' i'ni'panũ'pi'nin nũ'san, supara yi apai iyainũnsa' kon; i'si'mũra to' e'to' enapi'sa' rũ'san merunti pe; pana' pe to' enapitũ'pũ to' usewa'noma a'tai, miripan kon enapitũ'pũ innon kon soisaai amũ' entai kuru.

<sup>35</sup> Uri'sami'si amũ' uya iyeri'sa' kon tũtonpa kon e'mũ'sa'kasa' epopitũ'pũ. Tũron kon kota'ma'pũ ipan pe tũnonka kon i'se pũra to' esi pi', wakũ te'mũ'sa'kato' kon epoto' pe tũuya'nokon te'san terikũ kon tũpo. <sup>36</sup> Tũron kon uya tũpatakapi'tũ kon moronka'pũ tari'po'pitũ kon, tũron kon auronpitũ'pũ pariki'si ta' to' tũpitũ'pũ to' uya. <sup>37</sup> To' wini'pũ ti' ke; to' sara'mo'pũ saka ke a'sa'mũyai; supara ke to' wini'pũ. To' upinimũ'pũ karimeru miri awonsi'ki kapirita pi'pi ipon pe, entu'ma',

**11:30** Isa'suwa 6:12-21

**11:31** Isa'suwa 2:1-21; 6:22-25

**11:32** Eseru Aimenkanin Nan 6:11—8:32; 4:6—5:31; 13:2—16:31; 11:1—12:7; 1 Sanwerũ 16:1—1 Kin Amũ' 2:11; 1 Sanwerũ 1:1—25:1

**11:33** Taniyerũ 6:1-27

**11:34** Taniyerũ 3:1-30

**11:35** 1 Kin

Amũ' 17:17-24; 2 Kin Amũ' 4:25-37

**11:36** 1 Kin Amũ' 22:26-27; 2

Kũrono'kũrũs 18:25-26; Iseremaya 20:2; 37:15; 38:6



ikota'masa' pe e'ne' pe miri awonsi'ki iri pe ri iku'sa' pe—<sup>38</sup> non esi'p<sub>u</sub> wak<sub>u</sub> pe p<sub>u</sub>ra ri to' pona. To' usari'p<sub>u</sub> te'ma ke p<sub>u</sub>ra ri rimono'ta awiri, w<sub>u</sub>' poro'ne ri, ti' euta nau'ne ri miri awonsi'ki non euta nau'ne ri.

<sup>39</sup> Tanporo p<sub>u</sub>samoro apuripitu'p<sub>u</sub> to' uya apurito' pikiri, e'tane in<sub>u</sub>' uya ri ipi' usauro'nisa' r<sub>u</sub>'p<sub>u</sub> eporo'p<sub>u</sub> pen ni. <sup>40</sup> Papa uya miri entaino kuru wak<sub>u</sub> konekasa' uiwano' kon pe, uri'nokon pokon pe riken to' ekonekasa' e'to' pe wak<sub>u</sub> pe.

## 12

### *Papa Uya Tamunki Am<sub>u</sub>' Koneka Main Awiron Kon Pe*

<sup>1</sup> Miri pe si iyese pi', tu'ke kuru ri kamoro iye'kup<sub>u</sub> t<sub>u</sub>nene'p<sub>u</sub> kon ekamanin nan esi pi' uwoi'nokon, eno'mapai'nokon tanporon ni uko'manuk<sub>u</sub> kon pi' na'ne' miri awonsi'ki makoi upi'nokon ita'sisa' na'ne' sa'man pe ri, miri awonsi'ki eka'tun nipai'nokon ikup<sub>u</sub> uya kuru tai'ma eka'tun nito' iyawiri pe iye'ma'kamasa' na'ne' awiri. <sup>2</sup> Sises pi' uyenu kon tutuse e'nipai'nokon, apurito' piya'tinin n<sub>u</sub>'p<sub>u</sub> miri awonsi'ki wak<sub>u</sub> pe ikonekanin n<sub>u</sub>'p<sub>u</sub>, pori' pe te'to' esi pi' t<sub>u</sub>rau kurusu' moronkanin n<sub>u</sub>'p<sub>u</sub>, ipiyi'nito' t<sub>u</sub>namai' p<sub>u</sub>ra ri, miri awonsi'ki si Papa apon enwo'net<sub>u</sub> wini iyereuta'p<sub>u</sub>. <sup>3</sup> Seri moronka'p<sub>u</sub> iya pi' tewa'noma tane t<sub>u</sub>makooikena' nan ka'pon am<sub>u</sub>' uya pi' isenuminkati', i<sub>u</sub>seta'ka kon namai' miri awonsi'ki iyewan kon mo'ka auya'nokon namai'.

4 Makoi ya' iusewa'noma kon e'suranma yau, imɔnɔn kon enno'ka'sa' auya'nokon pɔra man.

5 Miri awonsi'ki main, “Umunki amɔ,” tawon pu'tika'nɔ'sa' auya'nokon ipori'mapi'nin kon pe te'sen:

“Mooi, usennakan pe Itepuru uya main awiron pe ikonekato' kɔ'kupɔi,

iyewan kɔ'mo'kai iyesseremekɔ iya a'tai,

6 apɔne pɔra Itepuru kɔri ri tɔni'nɔnkanɔ ton konekanin main awiron kon pe,

miri awonsi'ki tanporon kon tɔmu pe tɔnanɔmɔnɔ ton kota'ma iya,”\*

tawon.

7 Sa'man imoronkati' main awiron kon pe ikoneka kon pe; Papa uya enpoika tɔmunki pe iwe'to' kon pe. Inɔ' moro mɔre esi'pɔ ikɔipɔnɔ nɔkonekanɔ pen main awiri iye'to' pe?

8 Main awiron pe tɔkonekasan pe pɔra iwesi kon yau (tɔron kon koneka koro'tau main awiron pe), pɔrau pe ri nin iwesi kon miri, i'nairon kon imunki pe iwesi kon pen ni.

9 Tɔkɔipɔnɔ kenan kon uri'nokon main awiron pe ukonekanin kon, miri pi' nin si to' namanin nan uri'nokon. Miri entai nin si, Epɔn pon Kɔipɔnɔ wannɔ ena' e'tɔn nito' pe iyese miri awonsi'ki uko'man nito' pe!

10 Ukɔipɔnɔ kon uya main awiron kon pe ukoneka kon aka'nero' pe ri, wakɔ pe tɔpona'nokon te'sen awiri; e'tane Papa uya main awiron pe ukoneka kon wakɔ pe uku'nin kon pe, wakɔ pe iye'to' yau ipokon pe e'nito' pe.

11 Main awiron pe e'nito' pe konekan a'tai wakɔ pe pona wannɔ iyese pen ni, e'tane e'ne' pe ri. E'tane ri emennɔ'pɔ ipokena' awiri te'sen

pe e'nito', miri awonsi'ki tausewankamai' para e'nito' aku'pi'naku iya kamoro iwini isenupasa' kon iwano' pe.

<sup>12</sup> Miri pe iyesi pi', kakuku pe te'sen iyemekon kon miri awonsi'ki i'si'man iyese'mu kon imeruntitanu'ti'. <sup>13</sup> "Isi'kaisa ri a'ta kon e'ma ikonekati',"† ise'mesa' pe te'sen utakonomapitu namai', e'tane isepi'tito' pe.

*Panaman Papa Nurunpanin Pe E'ni Namai'*

<sup>14</sup> Tausi'tui' iko'manti' tausewankamai' para tanporon kon ka'pon amu' pokon pe miri awonsi'ki waku pe te'san pe; waku pe te'san pe para esii'ma, inu' yan uya Itepuru ene para iyesi. <sup>15</sup> Tense e'ti' inu' uya ri waku nonkasa' Papa uya paremeku namai', miri awonsi'ki i'ne' mi' ri kusa'tanin ekaman ku'ton miri awonsi'ki tu'kan kon ma'tanu'ton pe. <sup>16</sup> Enti' inu' ri esi namai' tekumasen pe, miri pe para Papa i'tunin pe para I'sa kasa, tikin ite'kwa ri tenta'nato' epe' pe irui pe tesi neporonu kuru karupo'pomanin kasa. <sup>17</sup> Miri pata'pu pe, mi'tuyatui'ne' kasa, seri si tparemato' eporo i'se iyesi a'tai, inurunpa'pu si. Inkuu'pu ru'pu enna'po poken para iyesi'pu, tukaranse tparemato' warinpa tane iya ri.‡

<sup>18</sup> Wu' piya' iuye'sa' kon pen ta'pi'sen miri awonsi'ki apo' nupo'tinu; ewarupi ya', ipan ewarupi miri awonsi'ki pana'pan a'setun; <sup>19</sup> taronpi' uturunto' ya', miri pe para main

---

**12:12** Aisaya 35:3 † **12:13** Ipu'ketu 4:26 (LXX) **12:15** Isu'taronomi 29:18 (LXX) **12:16** Iseneses 25:29-34 ‡ **12:17** taneporonu warinpa tane iya ri; miri pe para, tparemato' eporo i'se iye'tane. **12:17** Iseneses 27:30-40

usetato' ya', etanin nan e'to' miyari inetapai p̄ra ya', <sup>20</sup> ap̄ne p̄ra tapiyo'masa' kon ipi' moronka t̄uya'nokon poken p̄ra iyese pi': "O' uya ri w̄a' a'pi'sa' pe iyese yau, ti' ke iwito' pe iyese," § tawon. <sup>21</sup> Nari'pa' ri iyese'p̄, Mosi' uya, "Etuip̄itu utititima pi' man,"\* ta'p̄u miri pi'.

<sup>22</sup> E'tane Sayan W̄p̄u pona iuye'sa' kon, Ep̄n pe te'sen Surusiran pona, nurinan Papa pata'se' eke kuru ya'. Tu'kan kon, tu'kan kon inseru am̄u' pori' pe iyam̄rasa' kon piya' iuye'sa' kon, <sup>23</sup> iyim̄rewato' ton imunki am̄u' so'sii ta', itese' iye'menukapi'sa' kon Ep̄n po. Papa piya' iuye'sa' kon, tanporon kon eseru aimenkanin piya', ipokena' kon n̄san a'kwaru'p̄u ton ekonekasa' waku pe piya', <sup>24</sup> Sises emenna' ekonekan n̄to' t̄neporo'p̄u t̄nin piya', m̄n pai'pai'masa' waku pe pari imaimu t̄usauro'sen Eperu m̄n̄ entai.

<sup>25</sup> Enti' kari t̄usauro'sen nurunpa auya'nokon namai'. To' ainam̄u poken p̄ra iye'sa' yau, kari non po t̄panamanin kon t̄nurunpai', miri o'koi' pe' e'ni'nokon upanamanin kon Ep̄n poi piyapai era'tin nisa'nokon yau? <sup>26</sup> Miri a'tai, imaimu uya non i'ki'ma'p̄u, e'tane si seri pe isauro'sa' ikupu t̄uya pi', "Seri riken pe non niken i'ki'ma uya pen, e'tane ka' ri niri," † tasa' iya. <sup>27</sup> Main ton, "Seri riken pe," nikayai'ne' uya ekama t̄usi'ki'masen pe te'sen ama—ika'sa' ton pe te'sen—t̄usi'ki'masen ton pen nin si e'to' pe moro.

**12:19** E'sotas 19:16-22; 20:18-21; Isu'taronomi 4:11-12; 5:22-27

§ **12:20** E'sotas 19:12-13 \* **12:21** Isu'taronomi 9:19 **12:24**

Iseneses 4:10 **12:25** E'sotas 20:22 † **12:26** Akiyai 2:6 (LXX)

28 Miri pe iyese pi', tesa' ke e'nito' yau tūsi'ki'masen pen eporo pi', tenki tapai'nokon, miri awonsi'ki Papa apuripi'pai'nokon ipori'manin pe inama miri awonsi'ki eke pe i'tuto' wini, 29 apune p̄ra, "Papa, itese' pi' e'nito' esi ma'tan̄'nin apo' pe ri,"† tasa' iya.

## 13

### *Iu'mat̄ Pe Panaman Nito'*

1 Tūsi'n̄nkai' e'ti' isitonpa pe. 2 Kipu'tika'tau ka'k̄ran am̄ ereutan̄'to' pi', miri ku'nin nan t̄ron kon ka'pon am̄ uya inser̄ am̄ ereutan̄k̄p̄ miri i'tui'ma p̄ra. 3 Pariki'si ta' a'sisa' kon t̄aku'se iyenu kon yau, to' pokon pe ri a'sisa' pe iwesi kon pe te'ku'se, miri awonsi'ki kamoro isi pe t̄kota'masan, imiri'nokon ni ekota'ma pe.

4 Tanporon kon emari'man nito' namai, miri awonsi'ki iyemari'masa' kon nesii t̄m̄aimu r̄p̄ kon awiri, apune p̄ra temari'masa' e'tane iyeku-masa' r̄p̄ miri awonsi'ki tanporo tekumasan eseru aimenkato' oton Papa uya pi'. 5 P̄rata wena' t̄uta'kwar̄kai' p̄ra iko'manti', iyenau'nokon na'ne' pi' ri tepori'mai' e'ti', apune p̄ra Papa uya, "Inimi uya p̄ra kuru iyese;

inonka uya p̄ra kuru iyese,"\*  
tasa'. 6 Uyenu kon yau si esii'ma ta seri,  
"Itepuru esi upika't̄inin pe; enari'n̄m̄ p̄ra ri iyese.

---

† 12:29 Isu'taronomi 4:24 13:2 Iseneses 18:1-8; 19:1-3 \* 13:5  
Isu'taronomi 31:6, 8 13:5 Isa'suwa 1:5

I'ri pe ken ka'pon uya ukupu?"†  
ta'nokon.

<sup>7</sup> Iyepuru kon amu' iku'ti' iyenu kon yau, Papa Maimu ekamanin nu'san ipi'nokon. To' uko'mamu'pu otori'pi pi' isenuminkati', to' uya apurito' ipatakapi'ti'. <sup>8</sup> Sises Karai kari ri, kari ri ri ko'mamiyau iye'sa' ru'pu, miri awonsi'ki seri pe, miri awonsi'ki inker'o' ri.

<sup>9</sup> Ti'tui' para ri ti'tupi'sen pen ni enupan nito' ayano'mati'nin. Waku pe ri iyese uyewan kon umeruntitato' pe waku nonkasa' ke, kiyari ri pi' teseru ke e'nito' wini pen, ipi' tenta'nanan pika'tinin pen ni. <sup>10</sup> Moro use'man nito' apon esi ipoi kamoro ta'porin tau te'tarawasomasan enta'nato' itau pen ni.

<sup>11</sup> Use'man nito' tarawasomanin nan epuru uya o' manu ru'pu ari Ipan Waku Kuru Pata ya' mako ku'sa' epe'pu pe tutusen, e'tane nin ipun nu'pu po'ti inni ri paroroi apai. <sup>12</sup> Miri kasa ri mari, Sises ekota'ma'pu e'ne' pe eke kuru pata mura'taai paroroi entau, waku pe tumunki amu' ekonekato' pe tumunu wini. <sup>13</sup> Utinpai'nokon ipiya' inni pata apai, ipiyi'nu'nin pe te'sen moronkai'. <sup>14</sup> Apune para seri yau inke tuko'mansen eke upata kon para iyese, e'tane tuye'ton eke pata enupikiri e'ni'nokon seri.

<sup>15</sup> Miri pe iyese pi', Sises poro miyari ri Papa ena' use'man pe apuripi'pai'nokon —muta tarawasooi wini itese' pi' tusauro'sen. <sup>16</sup> Waku ku'to' auya'nokon miri awonsi'ki itonpa kon pokon pe te'repai' iwe'to' kon ku'pu'tika'nu'tau,

---

† 13:6 Eren 118:6-7 (LXX) 13:11 Ripaiti'kas 16:27

seri warai use'man nito' esi Papa pori'manin pe. <sup>17</sup> Iyepuru kon amu' maimu awiri e'ti', to' pana'pano o'no te'tuse e'ti'. Apa'sima kon pi' to' esi, tausekama ton kon pe Papa pana ya'. To' maimu awiri e'ti' to' tarawasooi e'to' pe pori' pe e'nito' pe, e'tape'ne' pe pura, miri uya ipika'ti kon pura iyesei.

<sup>18</sup> Ina pona ipuremati'. Ina uya i'tu ina ewan esi waku pe, ekaman ku'sa' ina uya pura miri awonsi'ki tanporon yau ri waku pe tnamasan pe iko'manpaino kon pe. <sup>19</sup> Iyekama'po uya 'nokon kuru iwiparema kon pa, ipiya'nokon enna'poto' pe inke pura.

<sup>20</sup> Tiwi Papa tausewankamai' pura e'nito' esa', siyaro' pe ekonekan nito' manu poro iyeri'sa' uyepuru kon Sises i'mu'sa'kanin nu'pu, kari ri eke kuru karimeru amu' Pa'simanin, <sup>21</sup> irepai'nokon tanporon waku ton ke i'se iye'to' kupu kon pa, miri awonsi'ki tiwi uyau'nokon natarawasomai tpori'manin pe te'sen, Sises Kurai poro, itiwano' pe eke pe iku'to' nesii, inke ri, inke ri. Amen.

<sup>22</sup> Utonpa ton, ipan pe iyekama'po uya 'nokon apanamato' kon uya eta kon pa, apune pura to'ken nu'kwi ri kareta menukasa' uya iyena'nokon.

<sup>23</sup> I'tu auya'nokon i'se e'ai' utonpa ton Temu'ti si nonkasa' man. Seri pe iwa iye'sa' yau, iya'kiri uti miri iyense'nokon.

<sup>24</sup> Miyari ka'ti' iyepuru kon amu' pi' miri awonsi'ki tanporo Papa munki amu' pi'. Kamoro I'tari winon kon miyari nikayan ipi'nokon.

<sup>25</sup> Waku nonkasa' nesii ipiyau'nokon.

## **Wakɔ Itekare: Emenna' Pe Ekonekan Nito' New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

### **Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Akawaio

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.



Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 11 Nov 2022 from source files dated 29 Jan 2022

0a50da4e-768d-5472-9dd1-d9747ff5918f